

Հ Ա Շ Վ Ե Տ Վ ՈՒ Թ Յ ՈՒ Ն

ԿԱՆԱԴԱ (ՕՏՏԱՎԱ) 2019Թ. ՄԱՅԻՍԻ 28-ԻՑ ՀՈՒՆԻՍԻ 2-Ը ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

1. Անունը, ազգանունը

Էդուարդ Աղաջանյան

2. Զբաղեցրած պաշտոնը

ՀՀ վարչապետի աշխատակազմի ղեկավար

3. Գործուղման վայրը և ժամկետները

Օտտավա (Կանադա), 2019թ. մայիսի 29-31-ը

4. Հրավիրող կողմը

Կանադայի կառավարության Ֆինանսների և Թվային կառավարման նախարարություններ և Բաց կառավարման գործընկերություն նախաձեռնություն

5. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)

Բաց կառավարման գործընկերություն նախաձեռնության (ԲԿԳ) բարձր մակարդակի համաժողով

6. Քննարկված թեմաները

Հայաստանում ԲԿԳ շրջանակներում իրականացված բարեփոխումները և հեռահար զարգացման ուղղությունները՝ պետական կառավարման բարեփոխումների շրջանակներում

7. Հանդիպումները, ելույթները, բարձրացված կամ քննարկված հարցերը

մայիսի 29-ին՝

1. Հանդիպում ԱԶԲ Հյուսիսային Ամերիկայի ներկայացուցիչ Բարտլետ Էդեսի հետ
2. ԲԿԳ համաժողովի պաշտոնական բացում
3. Հանդիպում Միացյալ Թագավորության (ՄԹ) FMA ընկերության հիմնադիր, նախկին ՄԹ կառավարության աշխատակազմի ղեկավար Ֆրենսիս Մադի և ՄԹ թվային բարեփոխումների պետական գործակալության աշխատակիցների հետ

մայիսի 30-ին՝

1. Իրական սեփականատերերի բացահայտում (ԻՍԲ) նախաձեռնության բարձր մակարդակի հանդիպում
2. Պանել-քննարկում՝ ԲԿԳ գործընթացը Արևելյան գործընկերության շրջանակներում և Արևմտյան Բալկաններում
3. ԲԿԳ շրջանակներում Բաց արդարադատություն կլոր սեղան քննարկում:
4. Հանդիպում ՄԹ պառլամենտի անդամ, Հակակոռուպցիոն ծրագրի համակարգող Ջոն Փենրոսի հետ:

մայիսի 31-ին՝

1. Հանդիպում ԲԿԳ ղեկավարի տեղակալ Զո Փավլի, Ասիա-Խաղաղօվկիանոսյան տարածաշրջանի համակարգող Շրեյա Բասույի և ԲԿԳ կառավարող խորհրդի քաղիասարակության համանախագահ, Թափանցիկություն և կառավարում ծրագրի տնօրեն Ռոբին Հոդսի հետ
2. Հարցազրույց GovInsider պարբերականի գլխավոր խմբագիր Ջոշուա Չեմբրի հետ
3. Համաժողովի պաշտոնական փակում՝ կազմակերպված Կանադայի կառավարության կողմից

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

մայիսի 29-ին՝

1. ԱԶԲ Հյուսիսային Ամերիկայի ներկայացուցիչ Բարտլետ Էդեսի հետ քննարկեցինք ԱԶԲ կողմից Հայաստանում իրականացված հաջողված նախագծերի, կառավարության ընթացիկ տեսլականի և ԱԶԲ հետ առավել սերտ համագործակցության հետ կապված հարցերը:
2. ԲԿԳ համաժողովի պաշտոնական բացմանը ներկա էին ԲԿԳ 75 և ավել մասնակից երկրների բարձրաստիճան պաշտոնյաներ, պետական և քաղիասարակության ներկայացուցիչներ: Համաժողովը պաշտոնապես բացեց Կանադայի վարչապետ Ջասթին Տրյուդոն:
3. Միացյալ Թագավորության (ՄԹ) FMA ընկերության հիմնադիր, նախկին ՄԲ կառավարության աշխատակազմի ղեկավար Ֆրանսիս Մադի հետ հանդիպմանը քննարկեցինք ԲԿԳ գործընթացը Հայաստանում, պետական համակարգում կատարվող բարեփոխումների և Հայաստանի թվային օրակարգին առնչվող հարցեր: Ձեռք բերվեց պայմանավորվածություն էլեկտրոնային կառավարման ոլորտում Բրիտանական հաջողված փորձը ներկայացնելու և Հայաստան այց կազմակերպելու վերաբերյալ:

մայիսի 30-ին՝

1. Իրական սեփականատերերի բացահայտում (ԻՍԲ) նախաձեռնության բարձր մակարդակի հանդիպման նպատակն էր ԻՍԲ առաջատար երկրների խումբ ձևավորելը: Քննարկմանը մասնակցում էին տասնայկ և ավել երկրների բարձրաստիճան պաշտոնյաներ, ովքեր պատրաստակամ էին պայքարել ստվերում գործունեություն ծավալող անձանց, ակտիվների վերադարձի, միջազգային կոռուպցիոն և փողերի վաճառման հանցավոր գործընթացների դեմ: Իմ ելույթում նշեցի, որ Հայաստանի կառավարությունը հաստատակամ է բարձրացնելու թափանցիկության մակարդակը պետական համակարգում, կառավարության գործունեությունը ավելի հաշվետու դարձնելու և լիարժեք իրականացնելու կոռուպցիայի դեմ պայքարը, հետևաբար՝ մեզ համար կարևոր է ԻՍԲ գործընթացի իրականացումը Հայաստանում:
2. Քննարկում՝ ԲԿԳ գործընթացը Արևելյան գործընկերության շրջանակներում և Արևմտյան Բալկաններում: Հրավիրված խոսնակների շարքում էին Հյուսիսային Մակեդոնիայի Ինֆորմացիոն հասարակության և կառավարման նախարարը, Վրաստանի կառավարության աշխատակազմի ղեկավարի տեղակալը, Թրասսփարենսի Ինթերնեյշնլ-Ուկրաինա, Վրաստանի Ինֆորմացիայի ազատության կենտրոն և Սերբիայի Քաղաքացիական նախաձեռնություն կազմակերպությունների ներկայացուցիչները: Քննարկմանը մասնակցում էի, որպես խոսնակ և ներկայացնում այն բարեփոխումները, որոնք իրականացվել են Հայաստանում ԲԿԳ գործընթացի շրջանակներում: Ներկայացրեցի այն նորոգարական գործիքները, որոնք օգնում են ամրապնդել ժողովրդավարությունը և առավել արդյունավետ կապ հաստատել հանրության հետ, քաղաքացիներին որոշումների կայացման

գործում մասնակից դարձնելու, ինչպես նաև 2018թ. Հայաստանում տեղի ունեցած հեղափոխության և այդ ընթացքում կիրառված տեղեկատվական տեխնոլոգիաների նշանակության մասին:

3. ԲԿԳ շրջանակներում Բաց արդարադատություն կլոր սեղան քննարկմանը ներկայացվեց Հայաստանում էլեկտրոնային գործիքների կիրառումը՝ Արդարադատության ոլորտը ավելի բաց դարձնելու և ծառայությունները ավելի հասանելի դարձնելու համար: Հանդիպման մասնակիցներն էին Ալբանիայի, Արգենտինայի, Կանադայի, Կոլումբիայի, Ինդոնեզիայի, Ղրղզստանի, Մարոկոյի Նիդեռլանդների, Հյուսիսային Մակեդոնիայի, Սենեգալի, Շրի Լանկայի և Թունիսի բարձրաստիճան ներկայացուցիչներ:

4. ՄԹ պառլամենտի անդամ, Հակակոռուպցիոն ծրագրի համակարգող Ջոն Փենրոսի հետ հանդիպմանը քննարկեցինք հակակոռուպցիոն բարեփոխումների օրակարգը Հայաստանում, դրանց մեթոդները և ԻՍԲ ուղղությամբ Հայաստանում իրականացվող առաջին քայլերը, որպես փորձնական ոլորտ ներկայացնելով Հանքարդյունաբերության ոլորտի թափանցիկություն նախաձեռնության գործընթացը:

մայիսի 31-ին՝

1. ԲԿԳ նախաձեռնության ղեկավարի տեղակալ Ջոն Փավլի, Ասիա-Խաղաղօվկիանոսյան տարածաշրջանի համակարգող Շրեյա Բասույի և ԲԿԳ կառավարող խորհրդի քաղհասարակության համանախագահ, Թափանցիկություն և կառավարում ծրագրի տնօրեն Ռոբին Հոդսի հետ հանդիպմանը քննարկեցինք ԲԿԳ նախաձեռնության ուղղությամբ իրականացվող ծրագրերը, հատկապես նշելով մեր պատրաստակամությունը գործընթացի շրջանակները ընդլայնելու մինչև խորհրդարան և տեղային մակարդակ: Քննարկվեցին ԲԿԳ նախաձեռնությունը ինստիտուցիոնալ դարձնելու, նոր գործիքակազմ ներառելու և ԲԿԳ աջակից խմբի կողմից տեխնիկական աջակցություն ստանալու թեմաները:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները

1. Պայմանավորվածություն ձեռք բերվեց ՄԹ FMA ընկերության հիմնադիր Ֆրենսիս Մադի և ՄԹ թվային բարեփոխումների պետական գործակալության աշխատակիցների միջև՝ այցելելու Հայաստան փոխհամագործակցության և փորձի փոխանակման համար:

2. ՄԹ պառլամենտի անդամ Ջոն Փենրոսի և ԻՍԲ փորձագետների հետ հանդիպմանը պայմանավորվեցինք բարձրաստիճան և փորձագիտական մակարդակներում կազմակերպել քննարկումներ և ձևավորել աշխատանքային օրակարգ՝ ուղղված ԻՍԲ ռեգիստրի ներդրմանը Հայաստանում:

3. ԲԿԳ ղեկավար կազմը հանդիպման ընթացքում ցանկություն հայտնեց սեպտեմբերին այցելել Հայաստան՝ ԲԿԳ բոլոր շահագրգիռ կողմերի հետ քննարկումներ և հանդիպումներ անցկացնելու համար:

10. Ստորագրությունը, ամսաթիվը

06.06.2019թ.

